

Atodiad 1 - Crynodeb o'r Cynnydd yn erbyn y Cynllun Gweithredu

Cynnydd yn erbyn Deilliant 1: Mae mwy o blant meithrin/tair oed yn derbyn eu haddysg drwy gyfrwng y Gymraeg

- Bu cynnydd yn nifer y lleoliadau cyn-ysgol cyfrwng Cymraeg yn yr awdurdod ac mae cynlluniau i ddatblygu mwy.
- Bu cynnydd yn nifer y plant sy'n mynychu lleoliadau cyn-ysgol cyfrwng Cymraeg yn yr awdurdod.
- Mae bron i bob disgybl yn y Cylchoedd Meithrin yn symud i ysgolion cyfrwng Cymraeg.
- Mae buddsoddiad cyfalaf wedi, a bydd, yn gwella adeiladau ac adnoddau ledled Sir Ddinbych h.y. cwblhau estyniad Canolfan y Dderwen yn ddiweddar yn y Rhyl wedi galluogi sefydlu darpariaeth Cylch Meithrin ar y safle.
- Mae gweithio'n agos gyda budd-ddeiliaid megis Mudiad Meithrin, llyfrgelloedd, Cychwyn Cadarn ac adrannau Blynyddoedd Cynnar eraill CSDd yn sicrhau y gwneir penderfyniadau strategol.
- Mae is-bwyllgor Deilliant 1 (yn cynnwys nifer o fudd-ddeiliaid) wedi mapio'r ddarpariaeth cyfrwng Cymraeg cyn-ysgol sydd ar gael yn y gymuned i gynorthwyo rhieni i ystyried manteision dwyieithrwydd ac addysg cyfrwng Cymraeg.

Cynnydd yn erbyn Deilliant 2: Mwy o blant dosbarth derbyn/pump oed yn cael eu haddysgu drwy gyfrwng y Gymraeg

- Mae Ysgol Gwernant yn Llangollen wedi ei dewis ym Mand B y Rhaglen Cymunedau Dysgu Cynaliadwy.
- Mae nifer fawr o ddatblygiadau mewn lleoliadau cyn-ysgol. Bydd hyn yn cynyddu'r niferoedd ar gyfer addysg Gymraeg yn 5 oed maes o law.
- Bydd ymwybyddiaeth gynyddol ymysg rhieni o fanteision dwyieithrwydd ac addysg cyfrwng Cymraeg yn cynyddu nifer y dysgwyr 5 oed mewn addysg cyfrwng Cymraeg.
- Mae 4 ysgol gynradd cyfrwng Saesneg yn ystyried symud i T2 yn y categori iaith newydd.
- Mae'r unig ysgol gynradd categori 2, yn cyflwyno ei chwricwlwm i ddysgwyr meithrin trwy gyfrwng y Gymraeg. Bydd hyn yn datblygu bob blwyddyn pan fydd yr holl ddysgwyr hyd at flwyddyn 2 yn cael eu haddysgu'n gyfan gwbl yn y Gymraeg.

Cynnydd yn erbyn Deilliant 3: Mae mwy o blant yn parhau i wella eu sgiliau Cymraeg wrth iddynt drosglwyddo o un cam addysg statudol i'r llall

- Mae gan CSDd bellach dîm o 6 aelod o staff i gefnogi darpariaeth Gymraeg ym mhob ysgol.
- Mae llawer o waith wedi ei wneud i hyrwyddo pontio cynradd/uwchradd rhwng ysgolion cyfrwng Cymraeg i sicrhau bod disgyblion yn parhau gydag addysg Gymraeg. Mae'r gyfradd drosglwyddo i'r ffrwd Gymraeg yn y ddwy ysgol uwchradd yn ne'r sir wedi cynyddu'n sylweddol oherwydd hyn.
- Cynhelir trafodaethau gydag Ysgol Brynhyfryd i agor dosbarth trochi yn yr ysgol.
- Mae prosiect peilot yng ngogledd y sir yn cynnwys 2 ysgol gynradd cyfrwng Saesneg yn cymryd rhan mewn gweithgareddau Cymraeg hwyliog ychwanegol. Mae staff o'r Tîm Cefnogi'r Gymraeg, yr Urdd a Menter Iaith yn ymweld â disgyblion blwyddyn 5 a 6 i annog mwy o blant i fynd i'r dosbarth trochi yng Nglan Clwyd.
- Mae cynnydd sylweddol yn lefel y gefnogaeth mae hwyrddyfodiaid i ysgolion cynradd cyfrwng Cymraeg yn ei gael.
- Rhannwyd cynlluniau manwl gydag ysgolion yn amlinellu'r ffordd orau o ddatblygu sgiliau llafaredd Cymraeg.

Cynnydd yn erbyn Deilliant 4: Mae mwy o ddysgwyr yn astudio ar gyfer cymwysterau a asesir yn y Gymraeg (fel pwnc) a phynciau a addysgir drwy gyfrwng y Gymraeg

- Rydym yn trafod yn gyson gyda'r ddwy ysgol uwchradd yn ne'r sir i gynyddu'r cynnig i astudio mwy o bynciau trwy gyfrwng y Gymraeg ac i ddefnyddio'r adnodd e-ysgol.
- Mae cydlynwyr y Gymraeg yn ysgolion uwchradd Sir Ddinbych yn rhan o weithgorau newydd i gefnogi ysgolion i gynyddu darpariaeth Gymraeg yn eu lleoliadau.
- Mae'r awdurdod yn gweithio gydag Ysgol Glan Clwyd i sicrhau fod rhieni mewn ysgolion cynradd cyfrwng Saesneg yn ymwybodol fod dewis i fynd i'r dosbarth trochi.
- Mae trafodaethau yn parhau ynglŷn ag agor dosbarth trochi yn Ysgol Brynhyfryd.
- Rydym yn trafod gyda'r Coleg Cymraeg Cenedlaethol i weld sut y gellir annog mwy o fyfyrwyr i astudio meysydd trwy gyfrwng y Gymraeg.
- 14 disgybl mewn un ysgol uwchradd wedi cofrestru i astudio Lefel A Cymraeg ail iaith ym mis Medi. Byddwn yn gweithio'n agos gyda'r ysgol hon i gefnogi eu brwdfrydedd a'u dyhead i gynyddu'r ddarpariaeth Gymraeg yn yr ysgol.

Cynnydd yn erbyn Deilliant 5: Mwy o gyfleoedd i ddysgwyr ddefnyddio'r Gymraeg mewn cyd-destunau gwahanol yn yr ysgol

- Mae fframweithiau cenedlaethol y Siarter Iaith a Chymraeg Campus yn annog y defnydd o'r Gymraeg mewn gwahanol gyd-destunau.
- Mae pob ysgol gynradd cyfrwng Cymraeg wedi cyflawni safon aur y Siarter Iaith.
- Mae'r ysgol gynradd categori 2 wedi cyflawni safon arian y Siarter Iaith.
- Nifer yr ysgolion cynradd cyfrwng Saesneg sy'n cyflawni safonau Cymraeg Campus:
- Efydd - 28; Arian - 3.
- Rydym yn bwriadu cyflwyno Cymraeg Campus a'r Siarter Iaith ym mhob ysgol uwchradd.
- Mae cydweithrediad gwych rhwng swyddogion Cyngor Sir Ddinbych ac ysgolion i ddatblygu'r Gymraeg mewn gwahanol gyd-destunau mewn ysgolion.
- Yn dilyn cydweithio rhwng y Tîm Cefnogi'r Gymraeg a chydlynwyr, crëwyd cynllun cynhwysfawr gydag adnoddau digidol a chanllawiau clir i athrawon eu dilyn wrth gyflwyno ac ymarfer patrymau iaith.
- Rydym wedi cydweithio i greu cynllun i ddatblygu sgiliau siarad Cymraeg dysgwyr cynradd ym mhob ysgol.
- Mae'r Urdd a Menter Iaith yn cefnogi gweithgareddau ysgol yn effeithiol i ddatblygu'r defnydd o'r Gymraeg.

Cynnydd yn erbyn Deilliant 6: Cynnydd yn narpariaeth addysg Gymraeg i ddisgyblion gydag anghenion dysgu ychwanegol (ADY) (yn unol â'r dyletswyddau a nodir yn Neddf Anghenion Dysgu Ychwanegol a'r Tribiwnlys Addysg (Cymru) 2018

- Mae gwasanaethau ADY yn edrych ar systemau recriwtio i ddenu staff sy'n siarad Cymraeg.
- Ar y cyd â Choleg Cambria, mae CSDd yn cynnig hyfforddiant i weithwyr i ddysgu siarad Cymraeg.
- Yn bresennol rydym yn adolygu'r ddarpariaeth gyfredol ac yn ehangu'r gefnogaeth cyfrwng Cymraeg sydd ar gael i ddisgyblion mewn ysgolion yn Sir Ddinbych.
- Mae ysgolion/unedau arbennig Sir Ddinbych yn bodloni anghenion ieithyddol eu dysgwyr. Mae staff sy'n gallu siarad Cymraeg ar gael i gefnogi dysgwyr sydd eisiau cael rhannau o'u haddysg trwy'r Gymraeg.

Cynnydd yn erbyn Deilliant 7: Cynyddu nifer y staff addysgu sy'n gallu addysgu Cymraeg (fel pwnc) ac addysgu drwy gyfrwng y Gymraeg

- Mae'r Tîm Cefnogi'r Gymraeg yn Sir Ddinbych wedi tyfu, o un aelod o staff y llynedd, i 6 erbyn Medi 2023. Mae'r strwythur staffio nawr yn golygu fod cefnogaeth i staff ac athrawon yn y sectorau cynradd ac uwchradd, yn ogystal â chefnogaeth i hwyrddyfodiaid.
- Mae'r strwythur staffio newydd wedi hwyluso sesiynau hyfforddiant, cyfarfodydd ac ymweliadau er mwyn datblygu'r defnydd o'r Gymraeg yn yr ysgolion.
- Mae gan CSDd raglen hyfforddi gynhwysfawr ar gyfer staff ysgolion.
- Mewn partneriaeth â Choleg Cambria rydym yn cynnig hyfforddiant i staff ysgolion (a swyddogion y cyngor) i ddysgu Cymraeg.
- Mae'r awdurdod yn parhau i hyrwyddo'r cwrs 'Dysgu Cymraeg mewn Blwyddyn' a bydd 5 athro ar y cwrs ym mis Medi.
- Mae swyddogion y sir yn astudio Cyfrifiad Blynyddol Gweithlu'r Ysgol (SWAC) ac yn creu archwiliad o anghenion hyfforddi ac adnabod arweinwyr posib sy'n siarad Cymraeg.